



RODES VAL BADIA 2023
Assoziaziun sportiva diletantistica


©Fotografies:

Igor Tavella, Ilse Tavella,
Franz Wieser, Maratona dles Dolomites

Foto dla pröma plata:
Gabriel Tavella ti dá ia la boza d'ega
a Rafael Tavella tratan la gara dl
VSS Jugentrophy a Pichl/Gsies

Rodes Val Badia Raiffeisen
Associazione sportiva dilettantistica
Str. Pedraces, 43
39036 Badia (BZ)
Tel. 0471 839735
E-mail: info@rodesvalbadia.org
Web: <http://www.rodesvalbadia.org>

*I reingraziun y dijun
giulan a nüsç sponsors*



Raiffeisen

Cassa Raiffeisen Val Badia

www.valbadiaonline.it



Membri dl Consëi diretif dal 2022 al 2026



President

Ilse Tavella



Consëi

Lois Craffonara



Vizepresident

Werner Pescosta




Consëi

Raimund
Rungger




**Secretar y
cassier**

Igor Tavella



Consëi

Daniel Rungger



Consëi

Franz Wieser

Revisurs di cunc:

- Giovanni Rubatscher
- Otto Vittur
- Nikolas Seppi

Contat:

Rodes Val Badia Raiffeisen ASD
Str. Pedraces, 43
39036 Badia (BZ)
Tel. 0471 839735
www.rodessvalbadia.org
info@rodessvalbadia.org

Relaziun dla presidënta Ilse Tavella

Cari atlec y atletes, mēmbri, mēmbres
y simpatisanc,

dēr importanta é aldedaincō la vita
soziala de nūsc mituns y de nostes
mitans, olach'an vēiga fora tres deplū le
gran bojēgn ch'ai á da sté adōm, se daidé,
se confronté y vire adōm te n ambiēnt
scēmpl, olach'an pó se devertí da fá de
vigni sort.

Ai á debojēgn da se mōie alaleria y ince
da fá fadia por se devertí y se confronté
danter ēi. An vēiga tan capazi ch'ai é
sc'ai é bogn da superé desfides y ostacui
y rové al travert.

Plajēi fejel da odēi le svilup che i mituns
y les mitans fej ann por ann y an pó odēi
fora la ligrēza, l'impēgn y la pasciun
ch'ai porta ite.

Al s'á insciō formé n bel grup de mituns
y mitans che á albū vōia da tó pert ales
gares dl VSS metūdes a jí da deplū
sozietés dla roda fora por dōt Südtirol. Ai
s'á confronté cun devertimēnt y pasciun
sōn deplū sorts de percursc coche le *cross
country*, le *dual slalom* y l'*easy down*.

Ales gares dl Südtirol Cup, che vēgn
bele fates a n level plū alt, él ince sté n
valgūgn de nūsc atlec che á tut pert. Bel
él ince sté da odēi atlec adule che á albū
vōia y l'á indō vagada da garejé. Chiló
oressi alzé fora y me congratulé por i titui
de campions provinziari de roda da munt
de David (dui iadi campion provincial, tl
Cross country y tl Marathon) y Günther
Frena (tla spzialité Marathon).

Tl 2023 unse tut pert a 38 manifestaziuns
indōt, olache le Rodes Val Badia



Raiffeisen á concuiste 10 prōms, 11
secundi y 16 terzi posc.

Tl 2023 é n bel grup dl Rodes Val Badia
indō jū al *Giro di Sardegna*, olache dūc
s'á fat avarēi tles singoles categories. Da
alzé fora é l dantadōt le resultat de Franz
Wieser, che á rové secundo tla classifica
generala dla categoria *Elite* y cuarto
indōt.

Na novité de chēsc ann é ince la plata
internet nōia de nosta associazion, olache
Igor Tavella á investí trōp tēmp, paziēnza
y savēi por la fá garaté. Chiló ciafon de
vigni sort de informaziuns, noeles y pita
la poscibilité da gestí dūc i tesseramēnc y
resultac tles gares te un n post su.

En chēsc ann unse ince messū se dé jō
cun la reforma nōia dles associazions
sportives, olach'al é sté n gran laur da
atualisé le statut aladō dles regoles nōies
dades dant.

I rengraziēii por l'atenziun.
Giulan!

Rodes Val Badia al Giro d'Italia Sardegna 2023



D.m.c: Andreas Pescoll, Günther Frena, Franz Wieser, Werner Pescosta,
Igor Tavella, Giuseppe De Marc, René Pitscheider, Lois Craffonara,
Ivan Sommadossi

Relazione della presidente Ilse Tavella

Cari atleti, membri e simpatizzanti,

in un periodo in cui la vita sociale dei nostri giovani assume un ruolo cruciale, si evidenzia sempre più l'importanza di condividere esperienze, sostenersi a vicenda, confrontarsi e vivere insieme in un ambiente semplice e genuino, dove il divertimento è ancora possibile.

È sorprendente osservare la fierezza e la sicurezza che i nostri ragazzi e ragazze acquisiscono superando da soli, senza l'aiuto degli adulti, gli ostacoli e i propri limiti fisici durante le competizioni, raggiungendo traguardi significativi. Ogni anno è un piacere assistere alla loro crescita, all'impegno e alla passione con cui continuano a dedicarsi allo sport.

Grazie a questo spirito di squadra, si è creato un gruppo affiatato di giovani atleti che, con entusiasmo, si sono impegnati nelle competizioni del VSS, organizzate da varie società sportive dell'Alto Adige. Hanno gareggiato con gioia e passione in discipline diverse, dal *Cross Country* ai *dual slalom* e all'*easy down*.

Anche nelle competizioni del Südtirol Cup, riservate agli atleti di alto livello, abbiamo avuto il piacere di essere rappresentati. È stato emozionante vedere tornare in gara atleti "più maturi" che, oltretutto, hanno ottenuto risultati eccellenti. Un plauso speciale va a David Frena, doppio campione provinciale di *Cross Country* e *Marathon*, e a Günther Frena, campione provinciale nella specialità *Marathon*.

Nel 2023, abbiamo partecipato a 38 eventi, conquistando 10 primi posti, 11 secondi e 16 terzi. Un gruppo di atleti ha partecipato anche al Giro di Sardegna, distinguendosi nelle rispettive categorie. Franz Wieser merita una menzione speciale per il suo secondo posto di categoria e quarto posto nella classifica generale.

Dal punto di vista tecnico, una novità del 2023 è il lancio del nuovo sito internet della nostra associazione. Igor Tavella ha dedicato tempo, pazienza e competenza per assicurare un funzionamento impeccabile, semplificando tra l'altro il processo di rinnovo delle tessere. Sul sito ufficiale, troverete tutte le informazioni sulle nostre attività sportive, dal calendario fino alla possibilità di gestire i vostri risultati per la classifica del campionato sociale.

Infine è doveroso menzionare la riforma dello sport e delle associazioni sportive, che ha richiesto un notevole impegno per aggiornare lo statuto alle nuove esigenze e prescrizioni.

Vi ringrazio per l'attenzione.
Giulan

I numeri di 2023



Scric ite al
Rodes Val Badia: 161

Mëmbri sostignidus: 67

Atlec scric ite ala Federaziun:
94
18 ères - 76 ëi

Atlec sura i 18 agn: 65

Atlec sot i 18 agn: 29

Ativité cun i mituns

Grups de alenamënt: 3

Numer de alenamënc: 33

Presënzes alenamënc: 177

D'atres ativités

Proiet *Laufräder* cun scolines
partezipanc: 66





STRAVA™



Classifica segmënc **STRAVA** che vel por l'assegnaziun de punc por le campionat sozial 2023. I punc ti é gnüs assegná a düc i atlec che á dé jö ala fin dl ann le formular olach'al ê da dé dant les gares.

Por tó pert a chësta classifica por la sajun 2024 bastel da se scrí ite sön **STRAVA** y spo chirí le club **Rodes Val Badia - Raiffeisen** tres chësc coliamënt: <http://www.strava.com/clubs/rodes-val-badia-raiffeisen>

Regolamënt 2024:

- Al gnará fat 2 classifiches, öna por les ëres y öna por i ëi
- Tla classifica röia ma chi che dá jö conferma de orëi tó pert ala classifica STRAVA ala fin dl ann sön www.rodesvalbadia.org
- Al vëgn assegné i punc cina al 10° classifiché:
10 punc al pröm, 9 al secundo y i.i.
Dal 11ejim post inant vëgnel assegné 1 n punt
- Al é 2 segmënc fisc fora por döt l'isté
1 por roda sön strada: **Punt de Fer SPRINT**
1 por roda da munt: **Damez - Punt d'Altin**
- Por i mëisc de jügn, messé, agost y setëmber gnaral prejenté sön nosc sit y/o sön le canal Telegram le "segmënt dl mëis" che vel ma por chël mëis.
Important: Por rové tla classifica mëss i segmënc gní fac anter i 28 de vigni mëis

Punt de Fer SPRINT



Damez - Punt d'Altin



Segmënc STRAVA 2023:

1.	Punt de Fer Sprint	Roda da strada	
2.	Damez -> Alting	MTB / Gravel	
3.	Fodom Speedway	Roda da strada	Jügn
4.	Costa -> Grones	MTB / Gravel	Jügn
5.	Andraz -> Falzares	Roda da strada	Messé
6.	Flé Trail	MTB	Messé
7.	Piculin Mirí	Roda da strada	Agost
8.	Paracia -> Runch	MTB	Agost
9.	Al Plan -> Pederü	Roda da strada	Setëmbër
10.	Mans Trail	MTB	Setëmbër

Segmënc STRAVA 2024:

Scrí ite por vigni mëis i segmënc **STRAVA** ch'al te paia la möia da fá.
Fá na foto y mëna ite por mail a info@rodesvalbadia.org

	Roda da strada	MTB	Gravel
Jügn			
Messé			
Agost			
Setëmbër			



Tlassifica dl Campionat sozial 2023

		Punc gares	Punc FCI	Punc STRAVA	Punc indöt	Gares
1	Franz Wieser	211	19	80	310	13
2	Igor Tavella	83	99	70	252	12
3	Rafael Tavella	119	26	64	209	18
4	David Frena	118	56	13	187	6
5	Günther Frena	84		82	166	8
6	Ivan Sommadossi	88		34	122	8
7	Andreas Pescoll	93		19	112	8
8	Lois Craffonara	74		7	81	6
9	Veronika Pedevilla	15		50	65	1
10	Albert Sottrovisch	38		14	52	3
11	Marco Rossini	11		40	51	1
12	Josephine Craffonara	50			50	4
13	Giuseppe De Marc	40		5	45	10
14	Antonio Crazzolarà	27		12	39	2
15	Gabriel Tavella	37			37	8
16	Luca Aricó	25		4	29	6
17	Jan Craffonara	28			28	4
18	Hans Peter Obojes	27			27	2
19	Stefano Pezzei	23		1	24	3
20	Edoardo Pescosta	22			22	3

21	René Pitscheider	18		1	19	6
22	Francesco Fiung	16			16	1
	Luigi Frenademetz	2		14	16	2
	Josef Costner	1		15	16	1
25	Diego Arcieri			15	15	
26	Samuel Arcieri	14			14	8
27	Emma Pescosta	12			12	1
28	Susann Tavella	11			11	1
29	Matí Tolpeit	9			9	9
30	Klaus Irsara			8	8	
31	Bruno Castlunger	3			3	3
32	Leonie Arcieri	2			2	2
33	Patrick Complojer	1			1	1



Ara ne vá nia dagnora da rové al travert:
Samuel palsa n püch tl'ambulanza



David Frena (Campion provincial MTB y Marathon 2023)
tl bosch de Gsies tratan na gara dl Südtirol Cup



2024

- **Tesseramënt**
- **Guant sozial**
- **Imprëst pulmins**
- **Campionat sozial**
- **Retüda spëises**
- **Maratona dles Dolomites-Enel**
- **5x1000 y sponsorisaziuns**

Momënc dal *Giro dla Sardegna*

Tesseramënt 2024

Por renové o fá n tesseramënt nü bastel da jí söles plates internet www.rodervalbadia.org y jí do ales istruziuns dades dant.

I recordun che por le tesseramënt por fá gares adurun ince:

Zertificat dl dutur:

- Mituns cina 12 agn y “zicloturisc” mëss fá n “ECG” te ospedal y ti le porté al dotur de familia adöm cun le formular ch’an ciafa tla sënta sozuala
- Por les categories agonistiches adurun le zertificat dl dotur dl sport. Por fá la vijita a inom dl Rodes Val Badia - Raiffeisen pón descíarié jö le formular online.

Contac seziun medejina sport:

Ospedal Bornech
Sorvisc medejina dl sport
0474 586280
sportmedizin@sb-bruneck.it

Cosć tesseramënt:

- Mëmber/Sostignidú 20,00 €
- Giovanissimi M/F 45,00 €
da 7 a 12 agn
- Esordienti M/F 45,00 €
da 13 a 14 agn
- Allievi M/F 45,00 €
da 15 a 16 agn
- Junior Sport M/F 70,00 €
da 17 a 18 agn
- Elite Sport M/F 80,00 €
da 19 a 29 agn
- Master M/F 80,00 €
da 30 agn insö



Josephine Craffonara tratan la gara dl Campionat sozial

Guant sozial

I atlec che se scrí ite le pröm iade al **Rodes Val Badia - Raiffeisen** pó cumpré i “set” de guant a n mēnder prisc. I set de guant pēia ia dal “**base**” por 160,00€, “**atleta**” por 220,00€ y “**race**” por 320,00€

I atlec che á bele n iade ciáfē döt le guant pó tres gní a cumpré i singui toc de guant ch’ai adora.

An pó ince se scrí ite al Rodes Val Badia-Raiffeisen zēnza cumpré le guant sozial. Chisc atlec ne pó indere nia tó pert:

- ala tlassifica dl campionat sozial
- ala retüda dles spēises de partezipaziun ales gares
- a d’atres alisiraziuns rēsservades ai atlec dl Club Rodes Val Badia-Raiffeisen.

Al vēgn regolamenté la poscibilité de avēi n sponsor personal sōn le guant sozial sciōche pezes cun l’inom de n sponsor:

- La grandēza dla peza cun l’inom di sponsor sōla malia ne pó nia ester plü grana co 12 cm (larghēza) por 9 cm (altēza)
- Al ne pó nia gní curí i sponsor ofiziali dl Rodes Val Badia
- Le sponsor ne pó nia ester en concorēnza cun i sponsor dl Rodes Val Badia - Raiffeisen.

Prisc dl guant toc singui:

- Malia da manies cōrtēs 60,00€
(b,a,r)
- Braia 75,00€
(b,a,r)
- Cialzines 20,00€
(b,a,r)
- Malia por l’assuius 40,00€
(a,r)
- Gilet Gore-Tex 70,00€
(a,r)
- Malia manies lunges 65,00€
(r)
- T-Shirt do gara 30,00€
(r)
- Braia cōrta do gara 50,00€
(r)
- Body 170,00€

Guant por i mituns:

I mituns cina 12 agn che se scrí ite le pröm iade al Rodes Val Badia - Raiffeisen ciafa le set de guant cun 1 malia, 1 braia y 1 malia da manies lunges por le prisc alisiré de 80,00 €

La lista di toc singui:

- Malia 35,00€
- Braia 50,00€
- Malia manies lunges 45,00€



Regolamënt por impresté fora le pulmin dl Club Rodes Val Badia

Le pulmin dl Club Rodes Val Badia - Raiffeisen é a desposiziun de düc i atlec en regola cun l'iscriziun y le tesseramënt. Por l'imprèst di pulmins veles chëstes regoles:

Prezedënza:

La prezedënza por l'imprèst dl pulmin á:

- i atlec che tol pert a manifestaziuns por mituns cina 17 agn.
- le grup de atlec plü gran che tol pert a na manifestaziun;
- i atlec che tol pert ala manifestaziun plü dalunc.

Spëises y cosc:

- Por la partezipaziun a manifestaziuns dl VSS, al Südtirol Cup y a d'atres manifestaziuns olach'al vëgn acompagné mituns cina 17 agn él le Rodes Val Badia-Raiffeisen che surantol dötes les spëises;
- por tó pert a d'atres manifestaziuns ti vëgn le pulmin surandé al autist cun le tanch plëgn y mëss ince gní porté zoruch cun le tanch plëgn. Al vëgn damané da mostré sö la zetola ch'al é gnü fossené plëgn te öna dles staziuns dal penzin plü dlungia;
- sce le pulmin vëgn adoré por plü de 2 dis vëgnel araté 10,00 € al de dal terzo de che le pulmin é demez.

Impresté le pulmin zënza tó pert a val' manifestaziun:

Sce le pulmin é a desposiziun pó i mëmbri scric ite al Rodes Val Badia le tó ca ince sc'ai ne l'adora nia da jí a na gara a chëstes condiziuns:

- che le pulmin sides lëde y porchël a desposiziun;
- i cosc é chi che é bele dá dant dessura;
- por rovëne le pulmin mësson avëi almanco 3 agn la patent;
- la porsona che s'imprèsta y che rovënn le pulmin surantol dötes les responsabilités.
- en caje de inzidënt, mëss la porsona che gaujëia le dann le paié y surantó le cost dla 'franchigia' dl'assicuraziun sciöch ince paié l'imprest de en ater pulmin pur jí inant ales gares.

***“Canch'al vëgn
impresté n pulmin
periunse da le porté
zoruch nët”!***



La bona griliata ala finala dl campionat sozial

Campionat sozial 2024

Assegnaziun di punc

Por vigni manifestaziun sön roda olach'al vëgn fat ala fin dla manifestaziun na classifica garantida da na iuria ciafon chisc punc por la classifica dl campionat sozial:

1° - 25 punc	2° - 20 punc
3° - 15 punc	4° - 12 punc
5° - 10 punc	6° - 8 punc
7° - 6 punc	8° - 4 punc
9° - 2 punc	10° -> 1 punt

Chi che tol pert a „granfondo“ sön strada o cun la roda da munt ciafa lapró chisc punc aladô dla lunghëza dl percurs che é gnü fat:

Roda da munt: da 45 a 69 km	5 punc
sura 70 km	10 punc

Roda da strada: da 130 a 175 km	10 punc
sura 176 km	15 punc

Les manifestaziuns dla categoria Gravel vëgn aratades sciöch roda da munt.

Punc de valorisaziun FCI:

A vigni atlet che tol pert a gares dla FCI dla categoria Top Class ti vëgnel assegné „punc de valorisaziun“. Ala fin dla sajun vëgnel ince cumpedé adöm chisc punc por la classifica dl campionat sozial.

Rodes Val Badia-Raiffeisen STRAVA Challenge

I atlec che fej pert dl Club Rodes Val Badia-Raiffeisen y é registrá a STRAVA podará ince tó pert al'assegnaziun de d'atri punc por le campionat sozial. Deplü informaziuns tles plates cun la descriziun de Strava.

Atlec che á ma punc STRAVA zënza partezipaziuns acun partezipaziuns a gares ne tol nia pert ala retüda dles spëises d'ativité.



Retüdes por la partezipaziun a gares:

Vigni atlet che tol pert a gares de roda por le Club Rodes Val Badia-Raiffeisen ciafa na retüda de presënza de 10,00 € por vigni manifestaziun a chëra ch'al á tut pert. Chësta retüda ne vel nia por gares VSS y de Südtirol Cup por les categories di jogn (cina ai Junior Sport).

Lapró pro chësta retüda gnarál partí sò, sòla basa dla classifica dl campionat sozial na soma fata fora dal Consèi diretif sòla basa de ci che resta dal bilanz de nosta assoziaziun.

La soma vëgn partida sò en proporziun ai punc che vigni atlet á abiné adòm tratan l'ann sòla basa di plazamënc dá jö. Al ti vëgn retü valch a düc i atlec che á abiné adòm almanco l'1% di punc totali.

Ejèmpl:

Soma da partí sò = 500,00 Euro

1. Igor	300 punc	36%	180,00 €
2. Werner	280 punc	34%	170,00 €
3. Susann	130 punc	15%	75,00 €
4. Andreas	80 punc	10%	50,00 €
5. Otto	30 punc	4%	20,00 €
6. Eduard	10 punc	1%	5,00 €
7. Franz	2 punc	0,2%	—

Important:

La soma pó ma gní retüda sc'al vëgn dé jö i documënc che desmostra la spëisa ch'an á albü

da fá l'ativité. Sce la soma partida sò dal campionat sozial é majera co i documënc dá jö, vëgnel ma retü la soma totala che resultëia dai documënc.

Ci documënc vel pa por la retüda?

- Soma spenüda por la mondur ofiziala dl Rodes Val Badia – Raiffeisen
- Soma spenüda por l tesseramënt ala FCI
- Soma spenüda por la vijita dal dotur
- Spëises de iscriziun a manifestaziuns da jí cun la roda
- Atres spëises che vëgn azetades dal consèi diretif sciöch varëntes por la retüda.

Estlujjuns:

Por les retüdes de partezipaziun ne gnarál nia tigní en conscidraziun i atlec che:

- N'é nia apost cun le tesseramënt y á le zertificat dl dotur scadü.
- N'á nia scrit fora i resultat tla seziun personala sön rodesvalbadia.org;
- Ne s'á nia scrit ite ales manifestaziuns sot l'inom „Rodes Val Badia – Raiffeisen“ (al vëgn tut in conscidraziun l'inom sön les tlassifiches);
- Ne s'á nia vistí le quant nü dl Rodes Val Badia-Raiffeisen tratan la gara y tratan la premiaziun;

Dal plü pice al plü gran: Josephine Craffonara, Gabriel Tavella,
Mathias Frena, Jan Craffonara, Rafael Tavella



Maratona dles Dolomites - Enel:

Le Rodes Val Badia-Raiffeisen ciafa dal comité dla manifestaziun n numer limité de iscriziuns che vëgn spo assegnades do chisc criters:

- L'atlet mëss avëi fat la preiscriziun ala Maratona dles Dolomites-Enel;
- Sc'al n'é nia gnü trat fora ala niza spo gnará i posc partis sö aladô dla tlassifica dl campionat sozial. N iade che i posc é gnüs assegná y sc'al ess da resté iscriziuns gnará chëstes dades a:
- atlec scric ite al Rodes Val Badia Raiffeisen che á fat la preiscriziun ala Maratona dles Dolomites-Enel mo n'á nia dé jö le formular dles gares por le campionat sozial.

Sc'al restass spo ciamó iscriziuns, gnará chëstes partides sö ai mëmbri bele stá n iade scric ite al Rodes Val Badia - Raiffeisen y dedò a mëmbri nüs. L'iscriziun messará gní fata anter le termin dla regularisaziun dles iscriziuns dé dant dal comité dla Maratona dles Dolomites.








Valgügn iadi sön i "scalins"

5x1000 Rodes Val Badia
Valch che vá saurí y che dá
na gran man.

Por mené inant l'ativité dl Rodes Val Badia-Raiffeisen n'adorunse nia ma l'aiüt de tröpes porsones che dá ca so tëmp por l'ativité di jogh. Zënza la 'monëda' stënton da mené inant döta la mascin organisativa che é la basa de nosta associazion.

Cun le 5x1000 bastel na firma, na firma che é na picera gota y deplü de chëstes gotes pó fá fora n bel pice gröm.

I scioldi che vëgn ite vigni ann tres le 5x1000 vëgn düc adorá por l'ativité sportiva di jogh.





ROCES
DOLOMITES

ROCES
DOLOMITES

ROCES
DOLOMITES

ROCES
DOLOMITES
2

ROCES
DOLOMITES
5

ROCES
DOLOMITES
7



Sponsorisé o daidé economicamënter

SPONSOR PRINZIPAL

L'inom dl sponsor é tla pröma posiziun (p.ej. SPONSOR Rodes Val Badia). Y vëgn adoré por döttes les iscriziuns ales manifestaziuns y i comunicac ofiziai. Le sponsor ciafa le logo tla posiziun prinzipala sön le quant personalisé dl Rodes Val Badia.

Dorada dl contrat: 3 agn
Cost: 7.500,00 €/ann

SPONSOR SECUNDAR

L'inom dl sponsor é tla secunda posiziun (p.ej. Rodes Val Badia SPONSOR). Inom che vëgn adoré por döttes les iscriziuns ales manifestaziuns y i comunicac ofiziai. Le sponsor ciafa le logo tla posiziun prinzipala sön le quant personalisé dl Rodes Val Badia.

Dorada dl contrat: 3 agn
Cost: 5.500,00 €/ann

SPONSOR GUANT RODA Y TÈMP LÈDE

Le logo dl sponsor vëgn stampé sön la malia da jí cun la roda y le quant da tèmp lède adoré por les premiaziuns.

Dorada dl contrat: 3 agn
Cost: 2.000,00 €/ann

SPONSOR PULMIN

Pulmin Mercedes:

Le pulmin che é plü gonot incërch y sön chël ch'al vëgn lascé la lerch por max. 2 sponsor che vëgn metüs sön i üsc dant.

Dorada contrat: 3 agn
Cost: 1.000,00 €/ann

AIÜT DE BONA MAN

Na donaziun de bona man fej tres plajëi y nes dèida da porté inant l'ativité. La soma pó gní metüda sön le cunt dl Rodes Val Badia-Raiffeisen cun la diziun „donaziun“. Derevers ciafon n gran Giulan!

Cost: 1,00€ insö

Cunt bancar por donaziuns:

Cassa Raiffeisen Val Badia
IT 29 0 08010 58180 000302013941

Novità 2024: n bel Pump Track s'aspeta!

N valgönes porsones se ricorda magari ciamó. Al è i agn 1980 canche n bel tlap de mituns danter Badia, La Ila, San Ciascian y Corvara toló pert a gares y campionac de BMX.

Al è de bi tèmps, an se porvâ mo n iade ch'an rovâ pro i plü gragn salc tomân tres indô zoruch, ince deach'an n'â inlaota degöna poscibilitè da s'alené sön na pista.

Bele inlaota gnôl baié dla poscibilitè de fá na pista da BMX mo tosc è döt tomé t'ega y insciö ince la vöia da fá inant gares de BMX.

Mo chësc iade ne baiunse nia plü de BMX mo de Pump Track, na pista olache la velocitè vá ala per cun la tecnica da jí cun la roda. Na spezialitè nöia che á bele albü dan da 2 agn i pröms campionac mondiai y propi l'ann passé sunse stá a Desproch a ti ciaré.

Por scaramanzia n'unse mai fat tröp retlam, mo la bela novitè y noela por le 2024 é ch'al gnará lauré por fá n Pump Track a Badia, tl areal sura le paiun dla Ciasa dles Uniuns. I laurs é bele gnüs dá ia y i aspetun ma da podèi düc canc rodé lassura.

I reingraziun le Comun por chësta oportunitè y l'assessur Werner Pescosta por ti ester sté do ch'ara gniss a s'al dé.



